



Broj: 06-1-07-3-2936/24
Sarajevo, 08.04.2025. godine

Na osnovu člana 2.9 stav (1) tačka 11, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Poglavlja V. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 31/24), Centralna izborna komisija Bosne i Hercegovine je na 18. sjednici, održanoj 08.04.2025. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Stari Grad Sarajevo za Gradsko vijeće Grada Sarajeva

(1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Stari Grad Sarajevo, kako slijedi:

1. Kandidatska lista SDP - SOCIJALDEMOKRATSKA PARTIJA BIH, **dobila je šest (6) glasova,**
2. Kandidatska lista grupe vijećnika „LER-VILIĆ“, **dobila je nula (0) glasova,**
3. Kandidatska lista grupe vijećnika: DELJKOVIĆ, BAKIJA, SIMONOVIĆ, ČENGIĆ, **dobila je sedam (7) glasova,**
4. Kandidatska lista grupe vijećnika "IŠERIĆ, SMAJOVIĆ", **dobila je jedan (1) glas,**
5. Kandidatska lista grupe vijećnika "ZAHIRAGIĆ, MEKIĆ", **dobila je pet (5) glasova,**
6. Kandidatska lista grupe vijećnika "BULJUGIĆ, MUHASILOVIĆ, AVDIĆ", **dobila je pet (5) glasova,**
7. Kandidatska lista grupe vijećnika „BIĆO, ARNAUTOVIĆ, IKOVIĆ, SMAILBEGOVIĆ“, **dobila je sedam (7) glasova,**
8. Kandidatska lista NAŠA STRANKA, **dobila je nula (0) glasova,**
9. Kandidatska lista SNAGA NARODA, **dobila je nula (0) glasova.**

(2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Stari Grad Sarajevo sljedećim vijećnicima:

1. **Muamer Mekić,**
2. **Vedad Deljković,**
3. **Adi Zahiragić,**
4. **Emir Bićo,**
5. **Armin Buljugić,**
6. **Srđan Simonović i**
7. **Željko Ler.**

O b r a z l o ž e n j e

Općinsko vijeće Stari Grad Sarajevo dostavilo je, dana 12.12.2024. godine, Centralnoj izbornoj komisiji BiH akt, broj: 02-45-833/24 od 12.12.2024. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

Članom 27. stav (1) i stav (2) Statuta Grada Sarajeva („Službene novine Kantona Sarajevo“, broj: 7/23), propisano je da se Gradsko vijeće sastoji od 28 gradskih vijećnika i svako općinsko vijeće općina koje čine Grad Sarajevo bira po sedam delegata u Gradsko vijeće iz reda općinskih vijećnika.

Stavom (3) istog člana Statuta Grada Sarajeva određeno je da Bošnjacima, Hrvatima i Srbima, kao konstitutivnim narodima, pojedinačno je zagarantovan minimum od šest mjesta u Gradskom vijeću, a grupi Ostalih najmanje dva mjesta, bez obzira na izborne rezultate.

Dalje, stavom (4) istog člana određeno je ukoliko se izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom (3) ovog člana, gradski vijećnici se biraju iz reda kandidata s lista političkih stranaka zastupljenih u općinskim vijećima, a na osnovu izbornih rezultata.

U skladu sa članom 28. stav (4) Statuta Grad Sarajeva, svako općinsko vijeće koje čini Grad Sarajevo ima obavezu delegirati u Gradsko vijeće najmanje po jednog kandidata iz reda svakog konstitutivnog naroda.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Stari Grad Sarajevo, glasali su svi vijećnici za prethodno ovjerenih devet (9) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. Kandidatska lista SDP - SOCIJALDEMOKRATSKA PARTIJA BIH, dobila je šest (6) glasova,
2. Kandidatska lista grupe vijećnika „LER-VILIĆ“, dobila je nula (0) glasova,
3. Kandidatska lista grupe vijećnika: DELJKOVIĆ, BAKIJA, SIMONOVIĆ, ČENGIĆ, dobila je sedam (7) glasova,
4. Kandidatska lista grupe vijećnika "IŠERIĆ, SMAJOVIĆ", dobila je jedan (1) glas,
5. Kandidatska lista grupe vijećnika "ZAHIRAGIĆ, MEKIĆ", dobila je pet (5) glasova,
6. Kandidatska lista grupe vijećnika "BULJUGIĆ, MUHASILOVIĆ, AVDIĆ", dobila je pet (5) glasova,
7. Kandidatska lista grupe vijećnika „BIĆO, ARNAUTOVIĆ, IKOVIĆ, SMILBEGOVIĆ“, dobila je sedam (7) glasova,
8. Kandidatska lista NAŠA STRANKA, dobila je nula (0) glasova,
9. Kandidatska lista SNAGA NARODA, dobila je nula (0) glasova.

Članom 28. stav (8) i stav (9) Statuta Grada Sarajeva, propisano je da se mandati za Gradsko vijeće dodjeljuju kandidatskim listama, prema broju dobijenih glasova, po sistemu proporcionalne zastupljenosti kandidata sa kandidatskih lista, u skladu s Izbornim zakonom Bosne i Hercegovine, odnosno, dijele se po redu, počev od najvećeg količnika, dok se ne raspodjele svi mandati iz

općinskog vijeća za Gradsko vijeće. Raspodjela mandata među kandidatima s iste kandidatske liste vrši se prema redoslijedu kandidata na kandidatskoj listi.

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Imajući u vidu naprijed navedenu zakonsku odredbu, raspodjelom mandata u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bilo bi delegirano šest vijećnika iz reda bošnjačkog naroda i jedan vijećnik iz kategorije ostalih, te nijedan vijećnik iz reda hrvatskog naroda i nijedan vijećnik iz reda srpskog naroda.

Općinsko vijeće Stari Grad Sarajevo za Gradsko vijeće Grada Sarajeva, od sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran vijećnik iz reda hrvatskog naroda i vijećnik iz reda srpskog naroda.**

Odredbama člana 28. stav (11) i stav (12) Statuta Grada Sarajevo propisano je da ukoliko se ovako provedenim izborima u općinskom vijeću za Gradsko vijeće, među sedam izabranih gradskih vijećnika, ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu (5) ovog člana, umjesto izabranog vijećnika, za Gradsko vijeće s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik, i tako sve dok se ne dođe do kvalificiranog kandidata.

Uvidom u ovjerene kandidatske liste iz Općinskog vijeća Stari Grad Sarajevo, utvrđeno je da se na kandidatskoj listi SDP - SOCIJALDEMOKRATSKA PARTIJA BIH na poziciji 2. nalazi neizabrani kandidat Duvnjak Dragan, iz reda srpskog naroda i na kandidatskoj listi grupe vijećnika „DELJKOVIĆ, BAKIJA, SIMONOVIĆ, ČENGIC“ na poziciji 3. nalazi neizabrani kandidat Simonović Srđan iz reda srpskog naroda.

Nadalje, uvidom u ovjerene kandidatske liste iz Općinskog vijeća Stari Grad Sarajevo, utvrđeno je da se na kandidatskoj listi kandidatska lista grupa vijećnika „LER-VILIĆ“, na poziciji 1. i 2. nalaze dva neizabrana kandidata iz reda hrvatskog naroda.

Najmanji količnik je identičan za dvije kandidatske liste **(2,33)**, od kojih kandidatska lista grupe vijećnika „DELJKOVIĆ, BAKIJA, SIMONOVIĆ, ČENGIC“ na poziciji pod brojem 3. ima neizabranog kandidata iz reda srpskog naroda, te se primjenom člana 28. stav (11) Statuta Grada Sarajeva, u postupku preraspodjele prvog mandata, odnosno umjesto kandidatu pod brojem 2. Alem Bakija (Bošnjak), mandat u Gradskom vijeću Grada Sarajeva delegira Simonović Srđanu, kandidatu iz reda srpskog naroda sa iste kandidatske liste, pod brojem 3.

Za preraspodjelu drugog mandata, izvršen je uvid u narednu kandidatsku listu sa najmanjim količnikom **(2,33)** kandidatska lista grupe vijećnika „BIĆO, ARNAUTOVIĆ, IKOVIĆ, SMAILBEGOVIĆ“, koja na svojoj listi nema neizabranog kandidata iz reda hrvatskog ni iz reda srpskog naroda, te se primjenom člana 28. stav (11) i stav (12) Statuta Grada Sarajeva, u postupku preraspodjele drugog mandata, odnosno, umjesto kandidatu pod brojem 2. Merima Arnautović (Bošnjak), mandat u Gradskom vijeću Grada Sarajeva delegira Željku Leru, neizabranom kandidatu iz reda hrvatskog naroda, sa kandidatske liste grupe vijećnika „LER-VILIĆ“, pod brojem 1. jedine

kandidatske liste iz Općinskog vijeća Stari Grad Sarajevo, koja sadrži kandidate za Gradsko vijeće Grada Sarajeva iz reda hrvatskog naroda.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 08.04.2025. godine na internetskoj stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

